

Efektif

KOMITE
KONSEY
LEKÓL YO POU
EKSELANS NAN
EDIKASYON



MIAMI-DADE COUNTY PUBLIC SCHOOLS

PIBON PRATICK E
PWOSESIS

Revised: 2/2002

Manm Komisyon lekòl Leta Miami-Dade County, Florida

Ms. Perla Tabares Hantman, Chair

Dr. Michael M. Krop, Vice Chair

Mr. Frank J. Bolaños

Mr. Frank J. Cobo

Dr. Robert B. Ingram

Ms. Betsy H. Kaplan

Mrs. Manty Sabatés Morse

Dr. Marta Pérez

Dr. Solomon C. Stinson

Mr. Evan B. Rosen

Elèv ki konseye a

Mr. Merrett R. Stierheim

Sipèntandan


Ms. Mercedes Tournal, Asistan Sipèntandan pou
edikasyon

Dr. Eduardo R. Rivas, Dirktè administratif nan
Biwo planifikasyon sou edikasyon ak Amelyorasyon kalite edikasyon

Komisyon lekòl Leta Miami-Dade County, Florida

1450 N.E. 2 Avenue

Miami, FL 33132



OFFICE OF EDUCATIONAL PLANNING
AND QUALITY ENHANCEMENT

DEPATMAN KI OKIPE
ZAFÉ AMELYORASYON
LEKÓL YO

Revised: 2/2002

Se nou ki kite
paj sa blanch
espre

Komite konseye pou bon jan edikasyon nan lekòl

Afè Komite konseye pou bon jan edikasyon nan lekòl yo se yon lide ki te premye ekri nan lwa Eta Florid la an 1991, kòm yon pati entegral nan plan pou refòm nan edikasyon epi nan jan y ap administre lekòl yo. Nan epòk la, komite konseye pou lekòl yo te gen yon sèl manda se te pou yo travay pou yo ede devlope plan pou amelyorasyon lekòl yo. Lekòl Leta Miami-Dade yo te asepte komite sa yo ak de bra louvri. Nan yon memorandòm an kolaborasyon ak United Teachers of Dade yo te adopte an 1996, Komisyón lekòl Leta Miami-Dade yo te chanje non Komite konseye pou bon jan edikasyon nan lekòl yo epi li te otorize yo pou yo bay tout moun nan kominote aki enterese, yon wòl nan pran desizyon ki gen efè sou jan y ap aprann elèv epi jan yo aplike pwogram edikasyonèl yo. Yo te chanje non Konsèy sa yo an 1999, lè yo te fin revize plan 2000 la epi pou l te tounen bon jan sistèm edikasyon Eta Florid la li vin tounen an. Epòk sa a, yo te otorize konseye yo pou yo te ankadre direktè lekòl yo nan kesyon devlope plan pou amelyore lekòl yo ansanm ak bidjè pou lekòl yo.

Jodi a se Komite konseye pou bon jan edikasyon nan lekòl yo ki la pou tout desizyon final ki pou ede nan amelyorasyon lekòl yo epi ede tou nan byen administre lekòl yo. Otorite sa a, Komite konseye sa yo genyen la yo se yon otorite yo detaye nan Lwa 229.58 Eta Florid la nan Règleman 6Gx13-1B-1.031 Komisyón lekòl Leta Miami-Dade County, epi nan Atik XXVI, Seksyon 5 kontra Sendika pwofesè nan Dade la. Ekip posedi ak pratik sa yo se bagay ki fèt pou gide Komite konseye pou bon jan edikasyon nan lekòl yo nan ede lekòl y ap ankadre yo byen.

1. RÈGLEMAN

- Bay esplikasyon senp ak pawòl kiè sou ki jan yon EESAC dwe fonksyone.
- Sipòte Iwa Eta Florid yo, Règleman Komisyón lekòl yo, ak kontra UTD (Sendika pwofesè yo).
- Piblik la dwe kapab gade règleman sa yo nenpòt lè.
- Detèmine dire manda yo.
- Detèmine ki kantite moun ki konstitye yon kowòm pou yon reyinyon kab fèt.
- Detèmine ki jan yo fèt pou yo pran desizyon.
- Detèmine jan eleksyon dwe fèt epi kouman pou yo ranplase moun ki kite.

A. Nòt yo

- Fèt pou gen yon moun ki pou pran nòt nan reyinyon EESAC yo e fòk moun sa a manm EESAC tou.
- Yo fèt pou yo distribye tout nòt reyinyon EESAC bay manm yo, bay manm ki la, bay ranplasan yo epi bay tout kominote lekòl la.
- Depi EESAC fin dakò nòt reyinyon yo, nòt sa yo vin tounen dosye piblik e yo kenbe yo la nèt, yon kote piblik la kapab rive jwenn yo.
- Nòt tanporè, nòt alamen se nòt yo kab poste annatandan jiskaske nòt ki apwouve yo disponib.

B. Lis non yo

- Se yon lis yo prezante bay komisyon lekòl la chak ane ki montre konbyen moun ki manm EESAC.
- Yo revize lis sa yo chak ane ann otòn. Fòk tout eleksyon fin fèt depi premye semèn sektanm.
- Yo ta dwe revize lis sa yo tanzantan pou yo kab konn ki moun ki pa manm ankò.

EESAC dwe genyen moun sa yo ladann: 5 pwofesè, yon lòt kòm pwofesè ranplasan, reprezantan UTD a, 4 paran, yon lòt paran kòm ranplasan, 1 elèv, yon lòt elèv kòm ranplasan, 1 anplwaye, yon lòt anplwaye kòm ranplasan, 1 manm kominote a epi direkè a. Sèl fason pou gwoup sa a ta chanje se si ta gen yon demann devan komite EESAC la pou I chanje jan gwoup la fòme a epi si komite a ta apwouve chanjman sa a.

- Lekòl ki gen pwogram soti jadandanfan rive douzyèm ane e ki gen lekòl granmoun tou, fèt pou yo gen direkè pwogram granmoun nan, yon pwofesè epi yon etidyan. Lekòl ki lekòl granmoun sèlman yo pa bezwen gen paran.
- Se pou gen ase paran ak manm kominote ak ase elèv, yon jan pou majorite moun ki nan komite a se pa moun k ap travay lekòl la. Ta dwe gen twa manm anplis ki sot nan kominote a pase kantite moun ki ap travay lekòl la.
- Se yon bon bagay pou prezidan asosiyasyon paran ak pwofesè yo ta yon manm komite EESAC la. Si sa se yon desizyon EESAC la li ye, se yon bagay ki pou antre nan regleman yo.
- Komite EESAC la dwe gen moun ki soti nan diferan gwoup etnik, kominote rasyal, kominote lengwistik, moun ki andikape ak kote ki fè biznis ak lekòl.
- Paran oubyen pwofesè elèv ki andikape yo fèt pou gen moun ki reprezante yo nan komite EESAC yo.
- Paran elèv ki pokò alèz nan angle yo fèt pou yo patisipe nan komite EESAC nòmalman.
- Fò gen reprezantan elèv ran tout nivo esepte nan lekòl elementè kote ki pa gen senkyèm ak sisyèm ane. Se yon bon lide pou plis pase yon elèv ta patisipe nan komite EESAC la nan nivo segondè yo, se pa yon bon lide pou sa ta fèt nan nivo elementè yo.
- Lis non yo se yon lis pou direkè lekòl la verifye sou konpitè epi pou alatèt komite EESAC la verifye tou. Y ap sèvi ak kòd verifikasyon Biwo pou planifikasyon ak amelyorasyon edikasyon an bay pou yo fè sa.

C. Reyinyon

- Reyinyon yo fèt pou yo fèt nan lè ki bon pou tout manm komite EESAC yo ak manm ki la kòm ranplasan yo.

- Pòt ouvè pou tout moun; tout moun ki enterese kapab patisipe.

- Reyinyon yo ap fèt regilyèman pandan tout ane a. Komite EESAC la ap detèmine ki lè, ki kote, epi ki kantite fwa reyinyon yo ap fèt.
- Fòk yo anonse reyinyon yo dapre prensip Lekòl Leta nan Miami yo, omwen senk jou ouvrab davans.
- Reyinyon yo dwe fèt yon fason ki pwofesyonèl pou pèmèt diferan moun ki la pou reprezante lòt moun poze pwoblèm yo dwe poze epi diskite sijè ki ta dwe diskite nan kad wòl ak responsabilite komite EESAC la.
- Se pou yo pèmèt piblik la di sa li panse nan reyinyon yo.
- Direktè lekòl la se yon manm yo nonmen, li fèt pou li patisipe nan tout desizyon konsèy la ap pran.
- Fòk manm yo avize manm ki la pou ranplase yo a lè yo pa kab vini nan yon reyinyon.

D. Ajennda

- fèt pou li disponib pou piblik la ka wè li.
- se alatèt gwoup la ki pou prepare l.
- yo fèt pou yo distribye l bay tout manm yo davans epi yo dwe afiche l nan yon panno pou piblik la kab konnen sa ki ladan l.
- fòk gen règleman klè sou posedi ki di ki jan yon manm kab soumèt pwen pou òd di jou a epi kouman moun ki pa manm kab prepare pwen yo pral diskite yo.

E. Eleksyon

- Fòk gen eleksyon pou chak plas ki genyen nan komite a esepte plas manm sendika a, plas direktè lekòl la epi plas reprezantan kominote a.
- Se reprezantan sendika a ki fèt pou li fè eleksyon pwofesè yo. Yo fèt pou yo kite tout pwofesè patisipe, kit se ta konseye, moun ki reskondab bibliyotèk la, pwofesè ki la a tan pasyèl ak pwofesè k ap kenbe kou, pou yo kab chwazi reprezantan yo a.

Lè gen eleksyon paran, fò yo pèmèt tout paran chwazi moun ki pral reprezante yo a, yon lekòl ki gen yon asosiyasyon paran ak pwofesè ki aktif kapab bay asosiyasyon an responsab kesyon eleksyon an depi tout paran ap gen chans patisipe nan eleksyon an.

- Staf lekòl la, kit se ta Parapwofesyonèl, kit se ta moun k ap travay nan biwo, kit se ta moun k ap okipe lekòl la, ouswa k ap travay nan kizin lekòl la, oubyen lòt anplwaye lekòl la ki pap anseye e ki ap travay omwen ventèdtan pa semèn nan lekòl la, fèt pou yo kab chwazi reprezantan pa yo.
- Fòk gen eleksyon etidyan ki fèt nan tout lekòl esepte lekòl kote ki pa gen katriyèm ak senkyèm ane. Fòk yo pèmèt elèv yo chwazi reprezantan pa yo.
- Lè yo fin chwazi yon reprezantan pou tout pozisyon nan komite a, se lè sa a pou yo chwazi moun ki pral reprezante kominote a. Kon sa pozisyon sa a kapab sèvi pou etabli yon balans ant diferan gwoup etnik ak gwoup rasyal ki genyen nan komite a.
- Se tout manm komite EESAC la ki pou chwazi alatèt komite a pam yo.

2. LWA ETA FLORID YO

- Se yon lwa ki ap aplike pou tout dosye ak tout reyinyon komite EESAC la.
- Se yon lwa yo kab jwenn nan fondasyon premye amannman an nan Tallahassee.
- Lwa sa a mande pou tout reyinyon ouvè pou publik la, e pou yo anonsé tout reyinyon bonè ase epi pou kenbe nòt sou sa yo di nan tout reyinyon.
- Lwa sa a pa pèmèt pou okenn manm komite a rankontre pou yo diskite okenn sijè komite a pral pran desizyon sou li san publik la pa okouran.
- Lwa sa a pa pèmèt pou gen bilten sekrè.

3. BIDJÈ

- Tout manm komite EESAC la fèt pou yo genyen yon kopi tout bidjè lekòl la, se pa yon kopi bidjè ki gen rapò ak komite a sèlman yo dwe genyen. Fòm FR0508 la ta dwe yon kote pou tout manm EESAC yo jwenn li.

- Yo dwe fè seyans fòmasyon pou tout manm EESAC yo sou zafè bidjè; anplwaye ki la pou analize bidjè lekòl la kab bay fòmasyon sou sa.
- Pòsyon bidjè a ki gen pou wè ak EESAC la se yon lajan yo kab depanse nan pwogram ak pwojè komite EESAC la men gwo pwojè ak pwojè ki kab dire plis pase ennan pa ladan.
- Desizyon sou bidjè ak tan y ap pran pou yo aplike desizyon sou bidjè yo se bagay yo dwe make nan nòt reyinyon EESAC yo.
- Si EESAC deside pou yo travay sou yon desizyon yo pran, yo dwe jwenn sipò sistèm kontablite lekòl la.

4. SIPÒ

- Gen sipò nan biwo pou planifikasyon ak amelyorasyon edikasyon pou UTD, pou biwo reyonal yo, ak biwo relasyon travay yo pou ba yo konkou nan idantifye resous ak estrateji ki nesesè pou devlope yon plan epi pou travay sou plan sa a ki mande bon jan pèfòmans nan lekòl yo oubyen pou devlope aktivite pwofesyonèl dapre desizyon tout komite a pran.
- An ka ta gen yon mezantant, tout gwooup yo ap mete tèt yo ansanm jan sa dwe fèt pou ede rezoud pwoblèm nan depi direktè lekòl la ta mande sa, oubyen sendika pwofesè yo (UTD) oubyen komite EESAC la, an pasan pa komite sipò EESAC la, epi fò yo avèti Sipètentandan nan reyon an.
- Entèvansyon final yo se bagay yo kab mande komite sipò EESAC la lè aktivite sipò yo pa pote siksè.

Si w bezwen plis enfòmasyon:

EESAC sou entènèt, www.dade.k12.fl.us/edp/sip/eesac/eesac.htm

Biwo edikasyon pou planifikasyon ak amelyorasyon 305-995-2561

Divizyon pou amelyorasyon sistèm lekòl, 305-995-2744

Biwo ki okipe pwoblèm travayè, 305-995-1497

Reyon I, 305-687-6565

Reyon II, 305-624-8802

Reyon III, 305-883-0403

Reyon IV, 305-642-7555

Reyon V, 305-595-7022

Reyon VI, 305-246-5934

Sendika pwofesè yo, Keson edikasyon ak kesyon pwofesyonèl, 305-854-0220

Komisyon Lekòl nan Miami-Dade County, suiv règleman ki pa pèmèt li diskrimine kont okenn moun ni nan kesyon bay travay, ni nan patisipasyon nan pwogram edikasyon ak lòt aktivite epi li fè anpil efò pou l bay tout moun menm opòtinite dapre jan lwa sa yo mande:

Title VI ki soti nan Ak sou dwa sivil 1964 la- defann yo diskrimine kont yon moun poutèt koulè li, ras li, relijon li, oubyen peyi kote li soti.

Title VII ki soti nan Ak sou dwa sivil 1964 la, jan yo te modifye l la- defann yo diskrimine kont yon moun poutèt koulè li, ras li, relijon li, oubyen peyi kote li soti.

Title IX ki soti nan Amanman sou Edikasyon 1972 la- defann yo diskrimine kont yon moun poutèt li se fi oswa poutèt li se gason.

Ak sou Diskriminasyon pou laj nan zafè travay 1967 la(ADEA), jan yo mofifye l la – defann yo diskrimine kont moun ki gen plis pase 40 an poutèt laj yo.

Ak sou peye moun menm lajan 1963 a, jan yo te modifye l la- defann yo diskrimine kont fi oswa gason nan valè lajan yo peye yo si y ap fè menm travay nan menm konpayi an.

Seksyon 504 Ak sou reyabilitasyon 1973 la- defann yo diskimine kont yon moun ki domaje.

Ak sou Ameriken ki andikape 1960 Ian (ADA) - Defann yo diskrimine kont moun ki domaje nan zafè bay travay, nan sèvis publik, nan jan yo bati twalèt publik, ak jan moun kominike nan telefòn.

Ak pou Moun ki gen fanmi ak moun ki gen pwoblèm sante 1993 la (FMLA)- egzije travay ki gen pwoteksyon sa a pou yo pèmèt anplwaye ki kalifye pou yo pran konje pandan 12 semèn san yo pa touche, san yo pa pèdi travay yo lè yo fini.

Ak sou diskriminasyon kont moun ki ansent 1978 la- defann yo diskrimine kont yon moun nan afè travay si yo ansent, si yo fèk fè pitit, oubyen si yo gen maldi ki gen rapò ak gwosès yo.

Ak sou egalite nan zafè edikasyon (FEEA) – defann yo diskrimine kont yon moun poutèt ras li, poutèt li se fi oswa gason, poutèt li marye oswa li pa marye, oubyen yon elèv oswa yon anplwaye ki andikape.

Ak sou dwa sivil moun nan Eta Florid 1992 la- pwoteje tout moun ki nan eta Florid la kont diskriminasyon poutèt ras yo, koulè yo, relijon yo, si yo se fi oubyen si yo se gason, peyi kote yo soti, laj yo, si yo andikape, oubyen si yo marye oswa yo pa marye.

Règleman komisyon lekòl yo nimewo 6Gx13- 4A-1.01, 6Gx13- 4A-1.32, ak 6Gx13- 5D-1.10 defann yo anmède oubyen yo diskrimine kont yon elèv oswa yon anplwaye poutèt li se fi oswa gason, poutèt ras li, koulè li, relijon li, etnisite li oubyen peyi kote li soti, poutèt kwayans li nan yon mouvman politik, poutèt li marye oubyen li pa marye, poutèt laj li, oryantasyon seksyèl li, nan ki fanmi li soti oubyen nan ki ran sosyal li soti, poutèt lang li pale, poutèt li ansent, oubyen poutèt li andikape.

Yo bay moun ki veteran lame dwa pou yo reprann travay yo dapre (Lwa Federal) P.L.93-508 ak Seksyon 295.07(Lwa Florid) yo, ki make klè kategori ki bay moun ki veteran lame avantaj yo nan afè travay.